

高平縣志 卷之七

公署 屬廨倉獄等

昔季路治蒲孔子入境而三善之君子讀其言惕然有
靖其之思焉蓋縣官表率一邑責重權尊非止臨蒞堂
皇侈然謂得為所欲為也生民休戚總持一身公府雖
有內外之分四郊寔不異几席之下南面以聽地示尊
嚴凡茲官守不容廢缺七月之詩曰躋彼公堂稱彼兕
觥民亦瞻仰而趨承之矣自斯而外經營建置胥開吏
職以宏規制以聳聽觀事不煩而交飭是亦不可不計
也志公署屬廨倉獄等胥附焉

高平縣志

卷之七

公署

縣署

宋開寶六年縣令楊咸弼建明洪武三年縣丞潘珪永樂
八年知縣李規嘉靖年知縣王準劉大寔衛東吳傳思
明萬歷年知縣張居仁劉應召天啟年知縣喬淳崇禎
年知縣魯光國相繼增修

國朝順治年知縣范繩祖加修白良玉重修縣治內宅譙
樓兩司舊治益擴知縣宋思陟修六房 縣治大門外
正中照壁東西柵欄大門三間東西角房各一儀門三
間東西角門各三間中路 鄉銘亭一 上諭亭一東
吏戶禮三房皂隸班房每房各三間西兵刑工三房快

司班房與東同丹堦東西皂隸房各一 大堂三楹東
贊政廳西總科各三間後仕優門 二堂三楹東守門
房一庫樓一買辦房二間民壯班房三間西庫房一間
銀匠傾寶房五間 宅門內三堂五楹東西門房各三
間堂東正房三東房三又東院書房五楹東西房各三
間東園花庭五楹六角亭一 堂西書房三楹右室三
間茶房三間又西小院書室三楹厦房二間此一院乾
隆三十七年知縣傅德宜新建 四堂告帝樓五間東
西樓房各四內東院廚房三間東房五間 內西院正
房三楹西房五間 自宅門內皆乾隆三十六年知縣
傅德宜重修 大堂東鄧侯祠內正殿三楹東房三間
西房三間乾隆二十四年各房吏書王世華等出資稟
明知縣黃 新修 大門內西院衙神祠正殿三楹西
房三間乾隆三十八年知縣傅德宜重修 大門外東
院

高平縣志

卷之七

公署

二

開帝廟正殿三楹東房三間戲樓一座舊基在大門內西
院前任吳改建於此 署西北隅馬號內 馬王廟三
楹捲棚三間廠棚十六西房五間乾隆三十七年知縣
傅德宜重修

縣丞署舊在堂東今廢

三簿署舊在堂西今廢
舊有賓賓館衙神祠有大門
東俱傾毀

典史署在儀門內東大門一東西耳房各一西

關帝廟三楹東馬房一大堂三楹東西耳房各一 二堂

一三楹東西房各三間 內堂三楹東西耳房各一 廚房

二間 東院書庭三楹

一察院四所 縣滄東 南關 長平驛 喬村驛今

一布政司分司在縣滄西

一按察司分司在書院巷 理刑公署在雙桂坊

陰陽學在縣治前 醫學在縣治前今俱

高平縣志 卷之七 屬縣

僧會司在準提庵 道會司在城隍廟

長平驛丞署在長平驛

喬村驛丞署在喬村驛今俱

倉廩在縣署西北共十九座計六十七間內九間乾隆

三十八年知縣傅德宜重建

社倉四 本城崇果院 米山鎮 寺庄鎮 馬村鎮

艾乾隆五年奉文添設社倉四處 野川鎮 河西鎮

陳堰村 詩村

義倉四處 仙井村 北陳村 王報村 赤祥村

獄在縣署儀門內西堂廩五西廩五東房三外堂房三

觀音堂一獄神閣一女獄堂厥三禁卒房一
養濟院舊在縣治西年久傾圮雍正七年奉文修葺如
縣胡正履移設南關並添設普濟堂捐貲修建有案
留養局七 南關廂 米山鎮 寺庄鎮 河西鎮
喬村驛 店上村 馬村鎮乾隆十二年奉文于縣屬
一通衢以及鎮集設立每年十一月初一日開局遇外來
以及本地無告窮民收入局內留養春間資送回籍乾
隆二十二年知縣黃有恒捐置地六十一畝收租以備
費用報銷在案

漏澤園

東關舊志
載今廢

高平縣志

卷之七

倉獄

壇廟 祠祀 寺觀

壇壝廟貌所以昭格明神爲民錫福必分相屬而後精
神相通古者分茅胙土國有常祀今之一邑提封百里
亦侯疆也詳覈會要大典集禮諸書矚矚所存足以呵
護捍衛乎一方者報享有必舉蓋大事在斯誠不可不
詳其規制以昭令典凡以嚴幽明之分庇茲黎庶也典
禮有經罔敢廢缺非徒神道設教聳世聽觀若佛老之
宮奔走崇奉在在皆是土風相習亦採著之志壇廟祠
祀附寺觀

壇廟

先農壇 在東關外雍正五年

詔重農課稼令天下

郡縣守土官率於仲春上旬亥日出郭耕耨以勸農工
立壇祀知縣甘士瑛建正殿三楹配房四間大門一座
四圍牆垣藉田四畝九分行耕耨祈穀禮

社稷壇 在西關外明洪武初建而不屋臺陛各三級北
向 社左 稷右以木主之祭以春秋仲月上戊日禮
用牲帛望燎三獻週圍牆垣係土壘乾隆三十四年知
縣凌禮寶捐俸包以磚石有記

風雲雷雨山川壇 在南關外洪武初建制如社稷 風
雲雷雨居中 山川左 城隍右以木主之祭用牲帛

高平縣志

卷之七

壇廟

五

加社稷一壇春秋仲月上戊日望燎三獻週圍牆垣係
土壘乾隆三十四年知縣凌禮寶捐俸包以磚石有記
八蜡廟 在南關外萬歷十年知縣劉一相改建於舊址
之西春秋仲月上戊日祭 禮郊特牲歲十二月合聚
萬物而索饗之八神 先嗇神農也 司嗇上古后稷
之官 農古田峻有功於民者 郵表畷田畔相連畷
處浩為郵舍田峻居之以督農者 貓虎貓食田鼠虎
食田豕皆有功於農 坊坊堤也以蓄水亦以障水
庸庸溝也以受水亦以泄水 昆蟲亦貓虎之屬曰蜡
年終祭名

邑厲壇 在東關外每歲清明日中元十月朔祭無祀鬼
魂移 城隍神以至之 子產曰鬼有所歸乃不為厲
祭法祀無後者明置厲壇有大厲國厲郡厲邑厲鄉厲
等

社厲壇 在鄉鎮今廢

神農廟有三 一在羊頭山曰上廟為神農嘗五穀處一
在換馬嶺曰中廟有神農虛墓有司春秋致祭一在東
關曰下廟近改祭於此

關帝廟 在儒林坊府志止載西關今春秋及五月十三
日祭祀俱在此廟內

高平縣志

卷之七

壇廟

六

護國靈貺王廟 一在鴉兒溝一在西關一在小北庄世
傳祀后羿神司水雹多靈應

骷髏廟 在城西五里秦白起坑趙卒於此唐元宗幸潞
州擇枯骨中巨者立像封骷髏大王命有司春秋致祭
累朝因之廟前池有大魚人或觸之即生災

城隍廟 在縣治西金大定年建明知縣楊應中田景新
劉廣國重修順治十五年知縣范繩祖捐銀重建大殿
香亭舞樓門廡等一時俱新士民張濬張顯焦永昌張
翔各捐金助大工歲於春秋上旬日題至於南壇與
風雲雷雨 山川神並祭廟會專祭

濟賈廟 有三一在建寧鎮一在骷髏村一在陳壩陳壩廟有古檜數千年物也

朗公廟 在縣北永祿記倉頡

湯王廟 在南門內

張儀廟 在鳳翅山

崔府君廟 在縣城西門內舊志神諱崔表唐時為長子

令惠愛及高平故為立廟

玉皇廟 有三一在米山鎮一在龐村一在王庄

東嶽廟 有二一在米山鎮一在同山北里

元帝廟 有二一在西關一在北里

高平縣志 卷之七 壇廟

三官廟 有二一在城東南廂一在東梓城

文昌樓 在南城樓知縣王省身建

文昌閣 在南關進士楊暄建有碑記舊志

金龍四大王廟 在南關神諱謝緒會稽人憤宋祚移沉

淵而死後助明太祖破蠻子海牙封為金龍四大王

五龍廟 在王河宋大中祥符間五龍見於丹水故立廟

靈淵王廟 在七佛山下宋時賜封號禱雨多應

二郎廟 在南關舊志神諱趙昱隋時入水斬蛟傳為治

水之神鎮邑西山水楊暄李鐸重修

孫真人廟 在米山鎮祀孫思邈

白衣觀音閣 在東城樓知縣王省身建

三仙廟 在趙庄即樂氏二女

懸壺真人廟 在同山北

祠祀

關帝

三代祠 在儒林坊關帝廟雍正三年知縣甘士瑛奉文

建祀

光昭公

裕昌公

成忠公

高平縣志

卷之七

祠祀

八

節孝祠 在縣治西雍正五年知縣甘士瑛建祀 元李

鳳妻王氏 張國用妻許氏 張珊妻曹氏 段傑妻

姬氏 王平妻張氏 明邵深妻璩氏 張友讓妻王

氏 邢國庶妻趙氏 牛學孔妻張氏 王子章妻李

氏 李韶妻邵氏 牛天賜妻梁氏 陳鳳妻李氏 邢

尙洗妻烈女李氏 龐暘妻陳氏 邢琰妻李氏 邢

光裕妻邵氏 劉虞夔妻畢氏

國朝 李海妻烈婦范氏 烈女張四姐 烈女郭大則

祠宇墻垣歲久坍塌乾隆三十四年知縣虔禮寶捐俸

重修有記

馬將軍祠 在原村祀元處士馬海明嘉靖勅封事詳碑
文

七賢祠 在叢桂北 今廢

又舊志載

郭公祠 東門外元縣尹郭質 今廢

楊公祠 一在南門一在建寧鎮知縣楊子器

董公祠 西門外知縣董琦

孫公祠 大成街縣丞孫應奎 今廢

劉公祠 西門外知縣劉大實

張公祠 南關知縣張鹵

高平縣志 卷之七 祠祀

劉公祠 南關知縣劉堯卿

李公祠 南關知縣李楨

馬公生祠 南關知縣馬從龍

王公生祠 南關知縣王省身

劉公生祠 西關知縣劉應召

任公生祠 南關知縣任大僚

魯公生祠 南關知縣魯光國

王公生祠 南關知縣王漢

韋公生祠 一在東關一在湯王頭知縣韋炳

范公生祠 南關知縣范繩祖

按舊志分載專祠幾二十所各有其地中有生祠非古也一時建立存廢難稽邑自有名宦祠果德澤在人自當附入專祀正不必也

寺觀

崇果寺 縣治南大成街舊名隆教宋太平興國二年賜今名明洪武間重修置僧會司登閣而眺游仙米尖諸峯悉出檐下本寺有藏經

崇壽寺 縣治西鐘樓巷背視韓王山若負屣然
慈教寺 縣南二十里游仙山

法雲寺 縣北二十里韓王山上方古刹如出天際

高平縣志

卷之七

寺觀

十

雲月寺 縣東七里七佛山有石佛七唐時鑿像甚奇古

興隆寺 縣東二十五里詩午村北

金峯寺 縣西三里金峯山一名靈巖

慶安寺 縣西十五里野川鎮

興明寺 縣西三十五里上馬遊村西

龍泉寺 縣西三十五里杜寨村北古榭排雲幽泉落雨

石瑋有山樓記

定林寺 縣東南十里大糧山峭石寒泉清幽絕俗

崇明寺 縣東南三十里孝義村南

招賢寺 縣東南三十里龍從山

古於寺 縣西南三十里西佛山山門第一松號奇絕游
人題咏本寺有藏經

真聖寺 縣西南四十里周纂村

華嚴寺 縣西南四十里庄頭豁谷幽邃松柏陰翳

開化寺 縣東北三十五里舍利山

法興寺 縣東北四十五里龍王山

清化寺 縣東北四十五里羊頭山

普照寺 縣西北三十五里石室山伐石成龕列石作碑

鳩山寺 縣西北四十里傘蓋村北

準提庵 南開順治十三年知縣范繩祖建

高平縣志 卷之七 寺觀

仙姑庵 縣西四十里董峯山

瑞雲觀 縣治西南隅舊在城東名白鶴觀唐開元二十

七年建後水沒徙今地更名瑞雲明洪武間置道會司

東華觀 縣南三十里焦河村

真聖觀 縣東南十里米山鎮

洞真觀 縣西十里王降村

玉虛觀 縣西三十里良扈村

道龍觀 縣西四十里董峯村北山環水繞闐無人寂

清真觀 縣東北三十五里安河村

高平觀 縣東北三十五里石村

天眞觀 縣西北三十里西珥山

按堂土鳴琴四郊化洽公府者政令之所出土民之所仰也外此事關營建廢置亦或靡常而有其舉之要不可不整齊嚴肅以示政體至神明所依非福澤在人卽禮制攸繫典司一邑所以洽綏明而通上下寧不在是歟學道愛人甄陶移易琳宮梵宇之奉民亦將漸息矣起化有原武城單父詎非先軌耶